

اداره خانه

باب عالی جاده سنده دائرة مخصوصه

آبونه شرائطی

ممالك عثمانیه ده سنه لکی (۶۵)، الق
آیلغی (۳۵) غروشدرد. ممالك اجنبیه ده
سنه لکی (۱۷)، آلتی آیلغی (۹) فرانقدرد.
[ایضاحات: نسخه سی الی پاره، آلتی
آیلغی بر جلد، هر جلد ۲۶ نسخه در.]

اخطارات

§ آبونه بدلی پشیندر.
§ آدرس تبدیلنده قرق پاره لک
پول کوندرملی در.

§ مسلكه موافق آثار مع الممنونیه
قبول اولنور. درج ایدیلمه یین یازیلر
اعاده اولونماز.

الکشاف

۱۳۳۰

دینی، علمی، ادبی، سیاسی هفته لک مجموعه اسلامیه در

اخطارات

رساله مزردن آلتدیغی کوسترملک شرطیله
بتون یازیلر هر هانکی پر غزته طرفندن
اقتباس اولونه بیلیر.

§

مکتوبلرک، امضالرک واضح و اوقوناقلی
اولمسی و آبونه صره نومروسنی محتوی
بولونمسی؛

§

ممالك اجنبیه ایچون آبونه اولانلرک
آدرس لرینک فرانسرجه سی ده یازلمسی؛

§

پاره کوندرلدیکی زمان نه یه دائر اولدیغنک
واضحاً بیلدیرلمسی رجا اولنور.

اتبعون اهدکم سبیل الرشاد

والله یهدی من یشاء الی صراط مستقیم

صاحب و مدیر مسئول: ح. اشرف ادیب

جلد ۱۰

۲۵ جمادی الاولی ۱۳۳۱ پنجشنبه ۱۸ نisan ۱۳۲۹

عدد ۲۴۲

سیوری سینک لکری بیکی بر باطالغه یورطلاسه ۶,۰۰۰,۰۰۰,۰۰۰ یاورو
میدانه چیقار . شمعی برده مملکت مزه کوز کز دیرم . بویه بیکی
دکل بر قاج بیکی ویا میلیون سیوری سینک باریندیروب بیوته جاک
قاج بیکی بطاللق کوریرز .
منتسبین طبدن
احمد جودت

تراجم احوال

مرحوم خوجه خالص افندی

ملکی تاراج ایله یوب خسران خسران اوسته ،
ملته ایراک ایدر نقصان نقصان اوسته .
بر طرفدن مملکت ، ناموس و عرفان کیمده ،
بر طرفدن کلمه ده فقدان فقدان اوسته .
عید اضحادن ده خونین اولدی یارب ! دورمز .
ملک و ملت ویرمه ده قربان قربان اوسته .

اعضای وجودی اولان عالم لک و اجزای دماغی بولسان عالم لک
درد ضیاعیه - بالتخصیص الی ، یدی آیدن بری - فراش احتضاره
سه ریلن زوالی وطن ، بر قاج هفته اولده خالص افندی مرحوم کی
بر جهان فضیلت ، بر مفکره معرفت غیب ایتدی ، یعنی مریض
جگر لرنده قانایان کهوف تالمه علاوه یکی بر داغ تأثر آچیلدی و مغز
متمعینه کی حجرات ادراک بری دها قایندی !

مارتک ۲۲ نجی بازار کونی صباحی ایدی که او قودینغ بر غزته ،
درس وکیل سابق خالص افندینک دون وفات ایتدیکی جهته بوکون
فاتح جامعنده نمازی بعدالاداء تربه شریفه سینه دفن اولونا جغنی خبر
ویریوردی .

بوقاره خبر ، پیش نظر مده تکاتف ایدرک ماتمی بر ستره شکلی
الهی . اطرافنی قارآنلق کورمه به باشلادم . چونکه : علم و معرفت
کونشی ابدیاً غروب ایتشدی . یتیم چو جوقلرکی بویم بوکولوب
بلا اختیار کوزیا شلرم دوکولدی . زیرا : کمال و فضیلت باباسی سرمدی
بر غریبه چیقوب کیتشدی .

احوال ملال ایچنده ایکن ، بر کیجه اول کوروب ده تمیر و تاویل
ایده مدیکم بر رؤیا خاطر مه کلدی : عالم منامده مکتبک مدیریت
اوطه سنده اوطور مش و مرحومک درس لرینه وکالت ایدن خواجه
تحسین افندی حضرت لرینک او قودینی (یا ایها النفس المطمئنه ارجی
الی ربک راضیه مرضیه فادخلی فی عبادی و ادخلی جنتی) نظم
کریمی دیکله مشدم . مکرسه ، راضیه و مرضیه اوله رق عباد رحمن
وروضه رضوانه دخولی امر اولونان نفس مطمئنه استاد خالص الجنانک
روح اطمینانی ایتمش .

قالتدم ، مرحومک ده مؤسس و معلم لرندن بولوندینی دارالشفقه یه

پک زیاده یتیشیرلر . کیجه اولدیمی دیشیلر همان باطالغه یقین اولان
اولره ، پنجه لرندن ، قبولرندن ، آتشمز اوجاق باجه لرندن کیرر و تخم
طاغتمغه ، میقروب اوله شدیرمه کله باشلارلر . دیشیلر دیدم ، چونکه
ارکک سینک لکری چیچک امکله کچینورلر . ذاتاً چیفته شد کدنصرکه پک
آز زمان یشار ، آرقه لرنده بر بولوک انسان دشمنی بر اهرق اولور
کیدرلر .

سیوری سینک لکری ایجه یتیشمه لری تخم طاغته جق ، اوله شدیرمه جک
میقروبی بریردن بریره طاشیه جق حاله کله لری ایچون بر قاج شرط
واردر :

۱- باطاللق او وده بولنه جق ، شهرده باطالقدن یوکسک اولیه جقدر .
یوکسک یرلرده آز چوق روز کار اسر ، سینک لکری اوجوب کز مکله
موفق اوله مازلر .

۲- باطاللق آز چوق صیق آغاچلق ویا بوسجوتون سازلق
یرلرده بولنه جقدر . صو طور غون اوله جق ، روز کارلرک دیکمه جکی
یرلرده بریکه جکدر . صو بریکنتیلرینک بویوک ویا کوچک اوله سی
سیوری سینک لکری ایچون ضررلی دکدر .

۳- صو بریکنتیسی هیچ حرکت ایتمه جک و ایچریسنده بالق
وبونک کی سینک یاوروسی بین حیوانلر بولنه جقدر .

شواچ شرطده شورادن چیقیورکه : یوکسک یرلرده اوطور انلرده
ایستمه پک آز کورلدیکی حالده اووالرده ، روز کار آلمان ایتکلرده
خسته لق بوتون قوتیه یوز اوسه تیور . حتی اوک یوکسک قاتنده
یاتانلرده ایستمه کورلیور . آلت قاتنده کیرر آتش ایچنده بولنیور .
آغاچلرله ، سازلرله قوشا تیلمايان باطالقلر نه قدر اولسه روز کار
آله جفندن ینه سیوریلری باریندیرمیور . آقار صولرده ایسه یاورولری
دکل آنالری بیله دیکش طوتدیرمیور . صویک ، بریکنتینک بویوک
کوچک اوله سینه کلنجه : سیوری سینک لکری قوجه بر باطالقدنه نصل
چوغالورلرله ، بر حوضده ، حتی بر عربه تکرلکنک آچدینی اولوقده ،
بر بارداق صوده اوله جه بارینور ، و چوغالورلر . صکره بالفکرک
بولنه سی ده سیوری سینک لکری ایچون البت تهله کیدر .

سینک لکری چوغالنه سینه کلنجه : بردیشی سیوری سینک یازین ۱۰
ویا ۱۲ دفعه یورطلا یور . هر یورطلا یشده ۴۰ ویا یوز یاورو چیقاریور .
سنه ده ۴۰۰ ویا ۴۸۰ یاخود ۱۲۰۰ سیوری یتشدیرمیور . بوحسابجه
بر بارداق صویه اون سیوری سینک یورطلاسه ۴۰۰،۰۰۰،۰۰۰ ویا
۱۲۰۰۰ یاور میدان کلیور . بر عربه تکرلکنک آچدینی اولوغه ۲۰
دیشی یورطلاسه ۸۰۰،۰۰۰،۰۰۰ ویا ۲۴۰۰۰ : بر حوضه ۵۰ دیشی
یورطلاسه ۲۰،۰۰۰،۰۰۰ ویا ۶۰،۰۰۰ : بر باطالغه ۱۰۰ دیشی
یورطلاسه ۲،۰۰۰،۰۰۰ ویا ۲،۱۰۰،۰۰۰ یاخود ۶،۰۰۰،۰۰۰
سیوری سینک حاصل اولور . برده دوشونه لم قوجه بر باطالغه قاج
یوز ویا بیکی سیوری سینک دیشیسی یورطلار . بویه دوشونجه یه
یورغونلق ، عقله دورغونلق ویره جک قدر صایسی چوق اولان

کیتدم . اوراده کی حزن چهره لردن ، حضرتک نعمتی احتوا ایدن تابوتک ارکنجه - حتی مکتبه معلومات ویریلهدن - قالدیریلوب سنک مصلايه بر ایلدینی اکلادم .

براز صوکر ا دارالشفقه هیئت اداره و تعلیمیه سیله سکنزنجیدن بشنجه به قدر اولان صنفلرک طلبه سی فاتح جامعنه دوغرو یورو یوردق . یولده کوردیکمز حزن انکیز و عبرت آمیز برلوحه ، بزى هم بوتون بوتون تأثره ، همده اکابر اسلامک قدرشناسلی خصوصنده عظیم بر تحیره دوشوردی .

بر عصرلق بار حیاتک دوش تحملنه یوکه نمه سندن را کاهانه برطور آلمش و بیاض صارینی ايله آق صاقانک برله شمه سندن سیای فضیلق نورانی بردائره ایچنده قلمش اولان استاد محترم تیکوشلی یوسف افندی حضرتلری ؛ بر ایلله شمسینه سنه ، دیکریله خدمتچیسنه استناد ایتدیکی حالده زاده عرفانک ، یعنی مجاز ممتازی بولونان خالص افندی مرحومک جنازه نمازی قیلمايه کیدبوردی .

حرمت او استاد کامله ، غبطه اوشا کرد فاضله !

اویله نمازی قیلقدن صوکر جامع شریفدن چیقدق .

قدریکی سنک مصلايه بیلوب ای باقی !

طوروب ال باغلايه لر قارشیکه یاران صف صف

تصویری اندیرر صورتده - نعشک محمول بولوندینی - سنک

مصلا پیشگاهنه دیزیلدک .

تابوتک اوستنه و کعبه مکرمه پوشیده سنک آلتنه (جمعیت تدریسیه اسلامیه) نک قرمزی اطلاسدن معمول سنجاغی - مؤخرآ - اورتولوب او محمل مکرم - اولکی ساده لکنه نسبه - برارترین ایدیلشدی . یادنیانک هر طرفنده مناسب سزلک ا کسبک اولیور ، یاخود منحصرأ بزم مملکت مناسب سزلدن قورتولامیور ! تمام جنازه نمازینه طورولاجنی صراده زهد خشک اربابندن اولدینی غلظت وجهیه سندن آکلاشیلان و هرزه و کیلکی کونده لکه قوللانان بریسی ، اطرافنده کیله ایشیتدیره جک صورتده :

- بوقرمزی اورتوده نه اولیور ، بوده نره دن چیقدی ! دییه سویله نه به قالدیشدی .

- افندم ! شوراده بریتیم مکتبی وار ، آدینه دارالشفقه دیرلر . وقتيله بر جمعیت خیریه تأسس ایدره ک اومکتبی وجوده که تیرمش . خواجه افندی مرحومده جمعیت اعضاسندن و مکتب مؤسسارندن اولدینی ایچین خدمتنک شکرانه سی اولمق اوزره اوجمیت خیریه نک بایراغی . تابوتک اوستنه اورتولدی . دیدم .

نه ایسه نماز ادا و تزکیه ودعا ایفا ایدلیدی . مرحومک ایتمام عرفانی اولان مکتب چوجقلری ، محترم خواجه لرینک تابوتی اوموزلرینه دکل ، باشلری اوستنه قالدیردیلر . او بار قیمتداری برار فضله طاشیمق املیه تربه شریفه نک قاره دگیر قاپیسندن کیرمک اوزره شادروان حوایسنک طیشندن دولاشدیلر .

قیمت علمی تقدیر ايله محفظه فضیلق باشلرنده کوتورن بو حزن قافله یه ، خواجه مرحومک کرک مستفیض تدریسانی ، کرک مستفید مصاحبانی اولان ذوات مخلصده التحاق ایدیور و - تعبیر جائزه - تابوتک قوللری قاپانک آلتنه قالیوردی .

صورتا موجب تأسف ، حقیقه بادی تشکر اولان برشی وارسه اوده : جنازه لایق تشکیل ایدن ذواتک پاره قوبارمق مقصدیله اختیاری کلش ، یاخود نمایش اولمق اوزره اضطراری کوندیریلش کیمسه لردن دکل ، حسب الله کلن و علم و فضیلت نه دیمک اولدینی بیللردن عبارت بولونما سی ایدی . نهایت :

دسته کل کی تابوتی کیدوب آلدن آله

اولدی مودوع ید مغفرت سبحانی

أوت ، فاتح تربه سی خطیره سنه کیریلدی ، سنه لرجه رحله تدریس و کرسی مواعظ اوزره لرلنده ناطق بالحق اولان او وجود محترم ، مقام واپسینه ایندیریلوب (الا لله ایدین الخالص) بدیع ربانیه سی انزال ایله یین رب رحیمک مرحمت غفرانپناهنه تودیع ایدیلدی .

روحی چرخ عشقه پرواز ایلهدی - جسمنه کرچه مزار اولدی زمین یرده یاتدقجه وجود اقدسی - روحی اولسون اسمانده کامیین رحمة الله علیه و برکاته مادام ذکر الله و تلیت آیاته .

خالص افندی مرحوم ؛ احاطه علمیه سی اعتباریله فضای فضائل ، هله ادبیات عربیه ده علامه بی معادل ایدی . نصف عصره یقین برمدت ظرفنده کرک جوامعده ، کرک مکاتبده نشر علوم ایدره ک برچوق شا کرد یتشدرمش و شا کردلرینک استاذی به ارتقا ايله دکترینی کورمکه افتخار ایتشدی .

تدریسانی نه قدر محققانه ایسه محاضراتی ده اونستده ملاطفانه ایدی . اقتدار علمیه نه رغماً صوکه درجه متواضع داورانیر ، مخاطبی ولوکه بر عاجز اولسون اونکله مذاکرده بولونوردی . حتی بردقه عبد عاجزدن برمسأله استیضاحنه تنزل کوسته رمش ، حجازده بتپرستکی نشر ایدن (عمرو بن لحي) ک اسمنی صورمشدی .

بحر وسیع معلوماتندن برر قطره اولایله جک بعض آثار بیراقشسه ده اک مهم والک نافع اثری : مدارسک اصلاحیله طلبه عمومه فنون جدیده تدریسی حقنده کی تشبیه ایدی .

وا اسفا که درس و کالتی اثناسنده باشلانیلوب انتظامه قونولامیان بوتشبت ، مرحومک تقاعدندن صوکر ا بوسبوتون عجیب بر شکل الدی و - مرجع عالینک عفویته اغتراراً سویله مه به جسارت ایده جکم که - امر تدریسات چولوق ، چوجوق آلتنه قالدی .

کاشکی مرحوم صاغ اولسه و تقاعد ایدیله مش بولونسه یدی ده باشلادینی خیرلی ایشی حسن نتیجه به ایصال ایتسه یدی . صدده دن چیقمایه لم .

استاد مرحومك ترجمه‌حالی، دارالشفقه‌جه یازیلق تقرر ایتشدیر .
اختصاص علمیه‌سی حقنده ایه هم مسلکی اولان علمای کرامدن ،
بالخاصه درس شریکی بولونان طرنوه‌لی محمد افندی حضرتلرندن
معلومات کافیہ بکله نیر .

مسئله‌داشیری آراسنده حسب‌البشریه کندیسندن خوشلانیانلر
وارسه بیلله الله رضایی ایچون ایفای شهادتدن کری طورولمالیدرکه
بویوکلرک حیات علمیه‌سنه دائر ویریلجه‌ک معلومات، اکتساب عرفان
خصوصنده کوچکلر ایچون شوق و غیرت اویندیرر و علمانک تکثیریله
علمک ترقیسنه بادی اولور .

بن ، شو پریشان ، لکن صمیم روحدن خروشان اولان سوزلرله
حصه‌مه دوشن وظیفه‌یی ایفایه چالیشدم . داهای فضله‌سی ، داهای
صلاحیتدار اولان ذوات فاضله‌نک همت و غیرتندن انتظار اولنور .
باقی جناب حق ، مدفن مشارالیه‌یی انوار غفران ایلله‌مالی و خیر الحظنی
اولاجق عرفای اسلامیہ‌یی تکثیر ایلله‌دین مینی عالی‌ایله .

طاهر المولوی

مسئله‌لار

بین الاسلام مشترک لسان

اسلامک قارا کونلرنده یوزینی آغارتان افاضل و اصفیاسندن شیخ
عبدالعزیز چاویش افندی حضرتلرینک دارالخلافه‌ده بمث حقایقه باشلایان
« الهدایه » لرینک (ایکنجی نسخه) « مسئله و اجوبه » فصلندن ،
باکا فضله بر میل توقف و اندیشه ویرن شو مهم مسئله‌یی اولا جوابیلله
برابر ترجمه ایده‌یم :

« سؤال : تورک مملکتلرنده ، چینده و بویکی یلرده جمعه کونلری خطبه‌عربیجه
اوقونوبور ؟ حال بوکه دیکله‌ینلرک چوغی یاخود هپسی عربجه‌یی آکلایمايورلر ؟
« خطبه » دن غرض ایه مسلمانیلری معروف ، خیری ایشلره تشویق و ترغیب
ایتمک ، اولرله دنیا و آخرت سعادتتی احضار ایده‌جک ال‌طوغرو ، ال‌کسیدیرمه
یولی کوسترمکدر . اوخالده جمعه خطبه‌سی ؛ ممالک غیرعربییه‌ده نیچون عربجه‌نک
غیری برلسان ایلله ، لسان محلی ایلله اوقونوبورده ساءملرک استفاده‌سی تأمین
اولونمايور ؟ بوندن باشقه هرسمامه احکام دینک اسرارینه تمامیلله اطلاع حاصل
ایدوب مسلمانیلری محض تقلید اولمقدن قورتارمقی ایچون عربجه‌یی کوزلجه اوکرتمک
درجه و جوبده‌می‌در ؟

جواب — نه قرآن کریمده ، نه ده احادیث صحیحه‌ده خطبه‌نک عربجه‌اولاسنی
ایجاب ایدن برشی بوقدر . حق امام اعظم « ابوحنیفه » حضرتلری ؛ نمازده
بیلله — ولو عربجه‌سنی بیامش اولسون — قرآن کریمی ، عربجه‌دن باشقه برلسان
ایله تلاوته برآره‌لق جواز بیلله ویرمشدی . اوخالده خطبه‌یه هیچ سوزیوقدر .
فکرمنزه کلنجه : عربک غیری اقوامده عربجه اوقونان خطبه‌لردن فائده
یوقدر ؛ چونکه بوخال ، جمعه خطبه‌سنک سبب فرضیتی اولان غایه‌یی اورته‌دن
قالدیریور . شوقدرکه بوکون مسلمانیلرک احوالی عمیق برنظر امعان ایلله تدقیق
ایدنلر ، عصرلرنبری ، آرلرنده‌کی مناسبات برادرانه‌نک انقطاعی کوروبورده —
کال انتباه ایلله — بوکا بر سبب آرایانلر ؛ اهل اسلام آراسنده آکلاشیمايه
مدار اولاجق برلسان بولونماسنی ، بوکونکی حالت فجیه‌نک منشأی
اولارق قبول ایدرلر . اگر مسلمانیلر ، قرآن حکیمک لسانی اوکرتمک

چالیشمش اولسلر ، هیچ اولمازسه آز چوق اونکله مشغول اولمش بولونسه‌لردی
بوکونکی پریشانیلر دوچار اولمازلردی . چوق دفعه‌لر کوردک : بر مصرلی .
برایرانلی ، یاخود برتورک ایلله ؛ برافغانلی ، برهندلی ، برجاوالی ، یاخود برعرب ایلله
برآریه کلدیلری اللهک « دین اسلام » ایلله بربرلینه قارداش یایدینی بو آدم‌لر
مشترک برلسان ایلله متکلم اولاماق یوزندن یکدیگرلرینه یابانچی و اوزاق بر
وضعیتده قالیوریریورلر ؛ کوردیورلر ؛ بونلرک ایچندن ، مملکتلرینه مسئول اولان
خرستیان ملتلرینک روا کوردکاری مظالم ، آلام ایلله دولو اولان یوره‌کلرینی
دین قارده‌سنه آچق ، اوکا دردینی دوکک ایچون آتشله‌نوب طوروبورده بو
آرزویه امکان حصول بولامایان . دینی اوینتامایان هپ مسلمان قارده‌شلردر .
قتهادن بعضلرینک : « نماز ؛ آتجق عربجه قرآنله قیانه‌بیلیر . خطبه‌ده آتجق
عبارة عربیه ایلله صحیح اولایبیلیر . » صورتنده ویردکاری فتوالرک حکمتی ، ایشته
بومسئله اولمالیدر .

بوکون مال نصرانیه‌نک تحت حکم و نفوذنده بولونان مسلمانیلرک احوالنه اطلاع
کاملی بولونانلر ؛ اهل ایمانی بربریلله آکلاشدیراجق ، طانیشدیراجق برلسانه‌یک
زیاده محتاج اولدوغمیزی بیلیرلر . اهل اسلام ، تناصر و تعاون ایلله مأمور و بوکا
احتیاجی یک چوق ایکن لسانلر آراسنده‌کی تباین ؛ دکل تعاونه ، حتی مبادله‌آرا
و افکاره ، درداشمکه بیلله مانع اولویور .

بز کوردک : فرانسه حکومتی ؛ مسلمانیلری سائر دین قارداشلردن آیرمق
ایچون عربجه‌یی اوحوالیدن قالدیرمق ایسته‌یور و اونک یرینه ، اسلامیتک ،
برچوق عصرلر اول عدم لزومنه مبنی اوزه‌رینه برحجاب لغو چکدیکی بربریه
لسانی اقامه ایتمک ایچون الندن کلدیکی قدرچالیشیور ، بولسانی اوکرتمک ایچون
هرتورلو مصارفه قاتلانیور . فرانسه بو غیرتلینه مقابل ، عربجه‌یه آچدیگی
حریده مظفرد اولدی : آرتق جزائر لهجه‌سی ؛ عربجه‌دن ، فرانسه‌جه‌دن ،
بربریه لسانندن مرکب برخلیطه حالته کلشدر . بعض یلرده‌ده عربجه‌یه هان‌هان
تصادف اولوناماز .

بناء‌علیه بوکون مسلمانیلر ؛ لسان قرآنی ، بربریلله صارماشقی ، آکلاشقی
ایچون برواسطه مقدسه‌ الصاق طانییه‌رق آرلرنده‌کی فردی واجتماعی علاقه‌لری
توثیق و تأیید ایتمک صوک درجه چالیشمالیدرلر . بو ، اولرله اک بویوک برفریضه
حیاتیه اولارق توجه ایدر . شیمدی بزبوقدر ضرورتلر قارشیسندن جمعه خطبه‌سنک
عربجه‌دن غیری لسانلرله اوقونماسنی اباحه ایدرسه‌ک مسلمانیلرک طانیشقی ، آکلاشقی
ایچین الرنده یکانه برآلتلری اولان ، اوللری بر نقطه‌یه طویلامق ایچین یک
مهم برقوت اعداد ایدن « مشترک لسان » مسئله‌سنی اهل ایتمش اولورز و بو
صورتله بوتون بوعلوی غایله‌لر الدن چیقار .

مع مافیه ، فکرمنزه ، خطیب خطبه‌سنی عربجه اوقودقدن صوکره
مخاطبی اولان خلکک لساننه ترجمه ایتملیدر ، تا‌که فائده تعمم ایتسین ، غایه تأمین
اولونسون . بالخاصه ملل غیرعربییه‌نک عربجه‌یه واقف اولدقلری بویله برزمانده
بو ترجمه یک زیاده شایان اعتنادر ؛ آتجق بوتون مسلمان حکومت و امتلری‌نک‌ده
لسان شریف قرآنک تعمیمی برفریضه بیلرک اوکا کوره چالیشمالری لازمدر .
برسی ثباتکار سایه‌سنده نهایت بر زمان کلیرکه بوتون مسلمانیلر ، عربجه
اوکرتمش اولورلر . صدر اسلامده حال بویله ایدی . آرتق بوغایه حاصل اولونجه
کرک قرآن کریم ، کرک خطبه‌لر یالکزر عربجه اوقونمقله اکتفا ایدیلیر .

بر طرفدن شیخ حضرتلرینک بو صائب و نفاذ جوابلرینی
مطالعه و تدبر ایدرکن دیگر طرفدن صوک کونلرده بعض جدی
قلملرک‌ده بو طرز تفکر ایلله آز چوق همجریان کورونن افکار
و ملاحظاته مصدر اولدوغنی خاطرلادم . برزمانلر قوال اولمقدن زیاده
فعال اولمق ایستین و بونکچون برحرص استطلاع ایلله هرطرفه باش
اوران زمره‌یه منسوب اولانلر مزی ؛ اسویچرمدن کوندردیکی جدی ،
حیاتی مکتوبلریله تطیب و ارضا ایدن اقدام صاحبی احمد جودت‌یک ؛
بوسفردنه ویانه‌دن شویله برندای ارشاد ایلله اثبات رشد و سداد ایدیور .